

Mawlana Shaykh Muhammad Adil ar-Rabbani

MOMINEEN TASLEEM KAREIN AUR FIKR NA KAREIN

As-Salāmu ‘Alaykum wa RahmatuLlāhi wa Barakātuh.

A‘ūdhu BiLlāhi Minash-shayṭāni r-rajīm. BismiLlāhi r-Rahmāni r-Rahīm.

Wa ṣ-Salātu wa s-Salāmu ‘alá Rasūlinā Muḥammadin Sayyidi l-Anwālinā wa l-Akhirin.

*Madad yā RasūlAllāh, Madad yā Sadāti Aṣḥābi RasūliLlāh, Madad yā Mashāyikhinā,
Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāzim
al-Haqqānī. Madad. Tariqatunā aṣ-Suhbah wa l-Khayru fī l-Jam‘iyyah.*

مَا شَاءَ اللَّهُ كَانَ وَمَا لَمْ يَشَأْ لَمْ يَكُنْ

“Mā shā’ Allāhu kāna wa mā lam yashā’ lam yakun.” “Jo Allah ﷺ chahta hai wohi ho kar rehta hai, aur jo Woh ﷺ nahi chahta woh nahi hota.” Allah ‘Azza wa-Jalla ki marzi yeh hai ke jo Woh ﷺ chahta woh hota hain, aur jo Woh ﷺ nahi chahta woh nahi hota hain. Yeh woh baatein hain jo har momin ko zehn-nashin karni chahiye. Har cheez jo hoti hai, woh Allah ﷺ ki marzi ke baghair nahi ho sakti.

Lihaza, duniya mein: jis waqt mein hum ji rahe hain, jis jagah hum rehte hain, sab kuch Allah ‘Azza wa Jalla ki marzi se hota hai. Isiliye, momin kisi bhi cheez se ghabrata nahi. Woh kabhi nahi kehta, “Kya hua? Kya hogा?” Woh tasleem kar leta. “Aslim Taslam.” Hamare Rasool ﷺ yeh khoobsurat alfaz apnay bheje jane wale khutoot mein likha kartein. Tasleem karlo, tumhein sukoon milega. “Nahin, iss ne yeh kiya. Uss ne woh kiya. Kya hua?” Aap ki fikr, aap ka gham aur jo aap kar rahe ho uska kisi ko koi faida nahi. Faida isi mein hai ke aap seedhay rasta par qaim raho aur apni ibadat karo. Sabse eham baat yeh hai ke apne imaan ko mehfuz rakho.

“Duniya tabah ho rahi hai, duniya khatam ho rahi hai”, iski parwah mat karo. Isse aapko koi faida nahi. Kyun ke aap kuch bhi tabdeel nahi kar sakte. Jo amal mein hai woh Allah ‘Azza wa-Jalla ki marzi hai. Aap ko ise qubool karna chahiye, aap ko sukoon milega. Warna aap kahoge, “Mujhe ghabrahat ka daura pada, mujhe nahi pata kya hua. Yeh aur woh mere sath hua.” Apna khayal rakho, apne kaam ko jari rakho aur Allah ﷺ par tawakkal karo.

Mawlana Shaykh Muhammad Adil ar-Rabbani

Allah ﷺ hum sab ki hifazat farmaye. Allah ﷺ hum sab ko imaan ki taqat ata farmaye.
Jab imaan mazboot hota hai, to ek shakhs kisi cheez ki parwah nahi karta.

Wa min Allāhi t-Tawfīq. Al-Fātiha.

Mawlana Sheikh Muhammad Adil ar-Rabbani
24 June 2025 / 28 Zul-Hijjah 1446
Fajr Namaz— Akbaba Dergah, Istanbul